

آنقره
۲۷ ايلول ۱۳۳۹

تورکيا بوبوك ملت مجلسى هكومتى
اركان حربى عموميه رياستى
علم و تربيه شعبه سى

نشریات عسكریه تعلیماتنامہ لری

۱-۴



در سعادت

مطبعة عسكریه

۱۳۳۹

تورکيا بوبوك ملت مجلسى مەكۇمنى
اركان حربىيە عمومىيە رياستى
تعليم و تربيه شعبەسى

آئفە
۲۷ اپرېل ۳۳۹

نشریات عسکریہ تعلیماتنامہ لری

۱-۴



درمعارف

مطبعة عسکریہ

۱۳۳۹

فهرست

صفحه

- تعلیم‌نامه ، تعلیمات‌نامه ، قرارنامه وقانوننامه لک صورت تعدیل وتنظیمی حقنده تعلیمات‌نامه ۱
نشریات عسکریه حقنده تعلیمات‌نامه - - - - - ۵
نشریات خصوصیه عسکریه حقنده تعلیمات‌نامه - - - - - ۱۱
نشریات رسمیه وغیر رسمیه عسکریه نك صورت طبع ونشری حقنده تعلیمات‌نامه - - ۱۳

ملفوظاتی :

نمونه — ۱ جیب کتابی نمونه سی.

نمونه — ۲ ماصه د د

نمونه — ۳ کتبخانه بویی د



آ) قطعات و متخصصان واقع اوله حق تکلیفات و با ایستنه جک مطالعات و تکلیفات ؛

ب) بوبابده منتشر بالعموم تورجک نشریات عسکریه (الک اسکی تعلیماتیه لرده داخل) ؛

ج) تجارب حربیه و حضریه راپورلری ؛

د) اجنبی اردولرک تعلیماتیه لری [بونلر ارکان حربیه عمومییه ترجمه قلمی واسطه سیله ترجمه ایدیلر و اقتضا ایدنلری کافی عددده طبع اولنور] .

۵ — بر تعلیماتیه تک تعدیل و یا تجدیدی لزومی :

آ) عائد اولدینی مفشلکجه تقدیر و ارکان حربیه عمومییه تکلیف ایدیلر ؛

ب) و یا خود بو خصوصی بالذات ارکان حربیه عمومییه تقدیر ایدر .

۶ — بونک اوزرینه بو تعلیماتیه تک قلمه آلمسی ایچون لزومی قدر متخصص

ارکان، امرا و ضابطان دن بروجه آتی بر قومیسون علاقه دار مفشلک تکلیفیه ارکان حربیه عمومییه ترتیب و مدافعه ملیه و کالتی اسریله تعیین و تشکیل اولنور :

آ) قومیسونک رئیس قاعده تعلیماتیه تک عائد اولدینی صنف مفشیدر [تعلیماتیه ،

صنوف مختلفه عائد ایسه و ایجاب بنده رئیس آروجه تعیین اولنور] ؛

ب) تعلیماتیه تک عائد اولدینی صنف و یا صنوف مختلفه ده بالفعل درجات مختلفه ده قلمه

قوماندانلنی یا پیش و یا بمقدده اولان رتب مختلفه ده کی ضابطان ، امرا و ارکان ؛

ج) مطالعات و تکلیفات وارده ده الک چوق صلاحیتله بیان مطالعه ایتمش ذوات ؛

د) عائد اولدینی مفشلکدن و ارکان حربیه عمومییه دن ایجاب ایدن ذوات ؛

ه) اسان متخصصی .

۷ — نجی ماده ده کی وثائق کاملاً قومیسونه تسلیم ایدیلر .

۸ — قومیسون قرطاسیه سی و مصارف متفرقه سی مدافعه ملیه و کالتی قرطاسیه

و متفرقه سندن آلیر .

۹ — قومیسون اول امرده قلمه آله جنی تعلیماتیه تک عمومی بر فهرستی و پلانی تنظیم

ایدر ، بعده بو پلانه توفیقاً تالی قومیسونلره انقسام ایدرک هر تالی قومیسون تعلیماتیه تک

کندیسه عائد قسمنی احضار ایدر .

۱۰ — قومیسون، ایجاب ایتدکجه و تالی قومیسونلر مساعیسنک خاتمنده عمومی اجتماعلر

یا هر ق مشاعیسنی تتویج ایدر .

۱۱ — قومیسون مواد متعلقه ده دواثر و مقاماتدن و ذواتدن رأساً تحریری مطالعه ایسته مک

و ایجاب ایدن ذواتی دعوت ایدرک شفاهاً مذاکره ایله مک صلاحیتداردر .

۱۲ — قوميسيون برده شوکا قرار ويرر :

آ) بوتعلیمنامه قطعی بر ماهیتدهی مرعی اوله جقدر ؟

ب) پروژده حالده عموم اردودهی مرعی اوله جقدر ؟

ج) پروژده حالده بالکیز معین قطعاتدهی تطبیق ایدیله جقدر ؟

۱۳ — مساعینک هیئت عمومی سی ارکان حربیه عمومی ریاسته ویریلور. ریاستک طلب ایدیهی مسائل قومیسینده یکیدن تذکر و انتاج اولنور. بعده ارکان حربیه عمومی ریاستک قرار ی و مدافعه ملیه و کالتنک امریله قومیسین فسخ ایدیلر .

۱۴ — مسوده بعده شورای عسکریده تذکر اولنور و متن [اساس تعلیمنامه ویا پروژده] ارکان حربیه عمومی و مدافعه ملیه و کالتلری طرفندن امضا ایدیلر لړك قرارنامه حالده کسب قطعیت ایدر .

۱۵ — تعلیمنامه لړك طبع و توزیعی ارکان حربیه عمومی ه عا ئددر .

۲ . تعلیمنامه

۱۶ — بالکیز بردارده و مقامله علاقه دار اولان تعلیماتلر، اودارده و مقابجه احضار و مربوط اولدینی و کالتنجه [مدافعه ملیه و کالتی ویا ارکان حربیه عمومی ریاستی] امضا ایدیلر لړك ارکان حربیه عمومی واسطه سیله طبع ایدیلر .

۱۷ — هر ایکی و کالتنک علاقه دار اولدینی تعلیماتلر و کالتلر آراسنده بالخباره افکار و مطالعاتک توحیدندن صکره تقرر ایتدیریله جک شکل، مشترک امضا ایله نشر و تعمیم اولنور.

۳ . قرارنامه و قانوننامه

۱۸ — هر نوع قرارنامه، قانوننامه لړده یا بلسی ایجاب ایدن تعدیلاتی ویا بونلرک یکیدن قلمه آلمسی ینه بر طرفندن مقام و دایره عا ئدهی، دیگر طرفندن ارکان حربیه عمومی تعقیب ایدر و یو باید لازم کلن و تائق نمائله جلب و جمع اولنور .

۱۹ — قرارنامه و قانوننامه لړ دواثر متعلقه سی طرفندن تنظیم اولنور. بونلرک تعدیلات ویا یکیدن قلمه آلمسی ایچون قومیسین تشکیلنه لزوم کوریلور سه تکلیف و مدافعه ملیه و کالتنجه تشکیل اولنور .

۲۰ — مدافعت، ملیہ وکالتی دواثری طرفندن بروجه مشروح ترتیب وتنظیم اولنان قرارنامہ و قانوننامہ اصولاً شورای عسکرۃ یتہ تقدیم ایدلنزدن اول ارکان حربیۃ عمومیه نلکده مطالعہ سی آنور .

۲۱ — قرارنامہ و قانوننامہ لر شورای عسکرۃ یتہ، اورادن ہیئت وکیلہ یتہ، قانونلر بده . مجلس ملی یتہ کیدر وعلی الاصول قبول اولنور .

۲۲ — بونلر کده طبع وتوزیمی ارکان حربیۃ عمومیه یتہ هانددر .

ارکان حربیۃ عمومیه رئیس
مشیر
فوزی

مدافعت ملیہ وکیل
فریق
لاظم

نشریات عسکریه حقننده تعلیماتنامه

مراد عمومی

۱ — جهت عسکریه طرفندن و یا جهت عسکریه حسابنه تنظیم ، تحریر ، ترجمه و نشر ایدیلن آثاره «نشریات عسکریه» دینیر . محررو یا مترجمک حسابنه ، جهت عسکریه واسطه سیله اولمقسزین ، خارجهده انتشار ایدیه جک آثار عسکریه یه ده «نشریات خصوصیه عسکریه» دینیر . بو تعلیماتنامه برنجی فقره یه عائددر . یالکیز قانوننامه ، قرارنامه و تعلیماتنامه لرله رسمی تاریخ حربلر و بوکا عوائل مدونات رسمیّه عسکریه بو تعلیماتنامه احکامنه تابع دکلدیر .

۲ — «نشریات عسکریه» ، یومی و یا موقوت جرائد ، مجموعه و رساله لرله کتابلردن ترکب ایدر .

۳ — تعلیماتنامه مخصوص لریته توفیقاً انتشار ایدیه جک «قانوننامه ، قرارنامه ، تعلیماتنامه و تعلیماتنامه لر» ، «نشریات عسکریه» و «نشریات خصوصیه عسکریه» ایله ارکان حرییه عمومیّه تعلیم و تربیه شعبه سی اشتغال ایدر .

۴ — مدافعه ملیه امرنده بولانه جق اولان استانبول و آنقره ده کی مطبعه عسکریه لرده «نشریات عسکریه» و «قانوننامه ، قرارنامه ، تعلیماتنامه و تعلیماتنامه» لره طبع و توزیعی خصوصی تعلیم و تربیه شعبه سی تعقیب ایدر .

مجموعه عسکریه

۵ — «مجموعه عسکریه» ، شمذیلک اوج آیدیه برلشر اولنور .

۶ — «مجموعه عسکریه» ، نك مندرجاتی ، بری صنوف مختلفه طابور قومانداننه و معادل مقاماته [داخل] قدر دیگر کی دها بیوک ضابطان و قوماندانلرک استفاده سنه خادم ایکی قسمی محتویدر . هیئت عمومیّه سیله و یکدیگر یله متناسباً تاریخ حرب ، سوق اداره ، تجارب حرییه ، تعلیم و تربیه ، لوازم ، صحیه ، کری خدماتی و فن اسلحه ایله فن استحقاکه عائد مقالاتی احتوا ایدر .

۷ — عسکر ویا سیویل ہر ذات «مجموعۂ عسکریه» دہ نشر ایدلک تکلیفیلہ طوغریجہ ارکان حربیہ عمومیہ تعلیم و تربیہ شعبہ سی مدیریتہ مقالہ وائر کوندرمک صلاحیتداردر . درجی مناسب کورولیمان یازیلر آنجق طلب وقوعندہ مصرفی کندیسنه طاند اولہرق صاحبہ اعادہ اولنور . انتشار ایدہ جک یازیلرہ ۲۵ نجی مادہ موجبہ اجرت ویا مکافات اعطا ایدیلر .

۸ — «مجموعۂ عسکریه» صرف علمی ، فنی اولدیفندن شخصیاتہ متعلق یازی قبول سلز . فندرجاتی رسمی دکلدز . ارکان حربیہ عمومیہ تعلیم و تربیہ شعبہ سی بوبادہ شولیت قبول ایتز . یازیلر صاحبک امضاسیلہ انتشار ایدر .

۹ — «مجموعۂ عسکریه» یہ ذوات آتیہ مجبوری آبونہ قید اولنور :

آ (پیادہ ، سواری ، ماکنہ لی تفنک ، طوبجی ، استحکام ، طیارہ ، مخبرہ ، لوازم ، نقلیہ صنفلرینہ منسوب بالعموم ضابطان [وظیفہ حاضرہ سی ناولورسہ اولسون یوز باشیلردن (داخل) و یوقاری یہ طوغری بالجلہ موظف — مستخدم و آچیقده — ضابطان ، امرا وارکان] ؛

ب (یوزباشی دن [داخل] اعتباراً یوقاری یہ طوغری بالجلہ ژاندارمہ ضابطان ، امرا وارکانی ؛

ج (تحصیل عالی عسکری کورمکدہ اولان بالعموم ضابطان .

د (مکاتب اعدادیہ و دہا کوچک مکتبلر خارج اولہرق دہا بیوک ہر نوع مکاتب عسکریہ ہیئت تدریسہ سنہ داخل موظف ضابطان [رتبہ سی ناولورسہ اولسون] .

۱۰ — ۹ نجی مادہ دہ تعداد ایدیلن مجبوری آبونہ لڑک آبونہ بدلی مارت و ایلول معاشرلندن ایکی تقسیطدہ اولہرق علی الاصول قطع و توقیف و خزینہ یہ ایراد قید اولنور .

۱۱ — مجبوری آبونہ لر خارجندہ آرزو ایدن ضابط ، مأمور و سیویل شخصاً مطبعۂ عسکریہ مدیریتہ بالمراجعہ و آبونہ بدلنی برویا ایکی تقسیطدہ کوندرمک صورتیلہ آبونہ اولہ بیسلر . بوتقدیردہ آبونہ بدلنک و رودنی متعاقب ایلک انتشار ایدہ جک نسخہ دن ارسالات باشلار . موجود نسخہ لر طلب وقوعندہ فی موضوعیلہ صائیلر .

۱۲ — «مجموعۂ عسکریه» نك كلہ جك برسنة لك آبونہ بدلی كانون تانی بدایتندہ تعلیم و تربیہ شعبہ سنك مجبوری آبونہ مقداری ، مجموعہ نك شكل ، حجم ، مندرجاتی ، كاغد پیاسہ سی وسائرہ ایچون ویرہ جکی اساسلرہ توفیقاً مطبعۂ عسکریہ جہ حساب اولنور . بوبدل ارکان حربیہ عمومیہ ریاستلہ مدافعۂ ملیہ وکالتی آرہ سنندہ تقرر ایتدیرلرک مارت

معاشنك توزیعندن اول تعمیر ایدیلیر . دها کوچك رتبه لردن یوزباشی به [داخل] قدر ضابطانه و معادل مأمورینه نصف بدل ایله آبونه قید اولنور .

۱۳ — « مجموعه عسکریه » نسخهلرندن برر دانه می مطبوعات طلبنده کی قامله توفیقاً بلا بدل غزته و رسائل اداره خانه لرینه ویریلیر . كذلك مجموعه ده مقاله سی اولان هرذاته آبونه اولسه دخی آریجه بر نسخه مجاناً اعطا اولنور .

۱۴ — « مجموعه عسکریه » نك آبونلره منتظماً توزیع و ارساله مطبعة عسکریه مأمورد . ارسالات حقنده مطبعه مدیریتنه و ایجابنده ارکان حربیه عمومیه تعلیم و تربیه شعبه سی مدیریتنه شکایت ایدیلیر . آدرس تبدلنده آبونه صاحبی طرفندن مطبعة عسکریه به در حال معلومات ویرلرزه ارسالات ایچون مطبعه مسئولیت قبول ایتمز .

کتابلر

۱۵ — اردو ایچون موجب استفاده و قیمتدار هر نوع آثار ، اك منتخبلرندن باشلانهرق بیدر پی تحریر و ترجمه صورتیله جهت عسکریه حسابنه نشر اولنور .

۱۶ — بو آثار شو صورتلرله جمع و تدارك اولنور ویا لزومی تثبیت ایدیلیر :

آ) تعلیم و تربیه شعبه سی بالذات تدقیقات و تعقیبات یاپار . بوکی آناری آزار ، بولور ، جلب ایدور . یکیدن قلمه آنلسی لازم بر اثر حقنده بالذات تدقیقات یاپار و لزوم کوسترر .

ب) تکمیل مقامات و علی العموم ارکان ، امراء ضابطان ویا مأمورین مطلع اولدقلری هر هانکی بر اثر دن ارکان حربیه عمومیه پی خبردار ایتمکه معناً مأمورد .

کذلك وجودینه لزوم کوردیلان بر کتابی ، بر اثری تکلیف ایدرلر .

ج) عسکر و سیویل هرذات بالذات ترجمه ویا تحریر ایدر جکی بر اثری جهت عسکریه حسابنه نشر ایتدیرمك تکلیفیه کوندرمکه و کتیرمکه مأذوندر .

۱۷ — تعلیم و تربیه شعبه سی مدیریتنی بالذات ویا بوبابده کی تکلیفاتله وجودینه لزوم کوردیکی آثارك کیمه ونه صورتله تحریر و تألیف ایتدیرلسی لازم کلدیکی ارکان حربیه عمومیه ریاستنه عرض ایدر ویا ذریله حق آثار ایچون ایجاب ایدن ذاته امر و اساسات لازمه اعطا اولنور .

۱۸ — شعبه جه تدارك و جلب ایداش آثار اجنبیه دن هانکیلرینك در حال طبع اولنق ، هانکیلرینك ایلروده طبع ویا مندر جانندن استفاده ایدنك اوزره قسماً ویا کاملاً ترجمه سی لازم کلدیکی ارکان حربیه عمومیه ریاستنك تصویبنه عرض ایدیلیر .

۱۹ — بر امر و طلب و قوعبولہ دن بالتدقیق جہت عسکرية حسابانہ نثری تکلیفیدہ صاحبی طرفدن شخصاً و یادیکر بر مقام واسطہ سیلہ کوندربلن مترجم ویا تألیف آثار تدقیق اولتور . بونلرک، اثرک قیمتی، ترجمہ و تحریردہ کی اصابت و قدرت نقاط نظرندن تدقیق ایدلہ کدن و بوجہ تارچہ شایان قبول کورلد کدن صکرہ درحال طبع و نشر ایتمک ویا ایدلہ کدن نشر ایدلک ویا خود مندرجانتندن قسماً ویا کاملاً باشقہ آثار رسمیه و سائرہ ایچون استفادہ ایدلک کی مقصدلر دن بریسی ایله لازم المباحثہ اولوب اولدیفنہ قرار ویریلیر وارکان حربیہ عمومیہ ریاستنہ عرض اولتور .

۲۰ — اثرک شایان قبول و مباحثہ سی لازم اولدیفنی حقندہ ارکان حربیہ عمومیہ ریاستنہ قرار ویرلد کدن صکرہ ۲۵ نجی مادہ موجبنجہ اجرئی حساب و صاحبی ارضا ایدیلرک مباحثہ ایدیلیر .

۲۱ — بناءً علیہ ارکان حربیہ عمومیہ جہ امر و تصویب ایدلہ دن ترجمہ ویا تحریر اولان و فقط شایان قبول کورولمین آثارک صاحبی هیچ برحق در بیان ایدہ میہ جکی کی امر مخصوصہ بر اثری تحریر و ترجمہ ایدلہ ایچون دخی ، اثری شایان قبول کورولمکچہ بواثر بر حق مکتسب تشکیل ایدہ من .

۲۲ — کذلک بوسیله ارکان حربیہ عمومیہ ریاستندن باشقہ — مدافعہ ملیہ وکالتی و دواثر مرکزیه سنجه کندی وظیفہ لری نقطہ نظرندن وجودہ کتیرلمسی لازم کلن آثار مستثنا اولوق اوزرہ — هیچ بر مقام هیچ برکیمسہ یہ هر هانکی بر اثرک ترجمہ ویا تحریرخی امر ایدہ من . مدافعہ ملیہ وکالتی و دواثر مرکزیه سنجه ترجمہ ویا تحریرینه باشلانان بر اثر حقندہ ، مضاعف مساعی بہ محل قلاماق اوزرہ ، ارکان حربیہ عمومیہ یہ معلومات ویریلیر .

۲۳ — ترجمہ خصوصیلہ خاصۃً ارکان حربیہ عمومیہ تعلیم و تربیہ شعبہ سنک قسم مخصوصی وظیفہ دارد . بالککڑیک مستعجل ، مهم و اختصاص مخصوصی موجب آثارک ترجمہ ریاستک امر و تصویبیلہ ایجاب ایدنلر مأمور اولتور .

بر اثری قبول ، اہمیت تحریر و ترجمہ و تصحیح

۲۴ — بر اثرک قبولی ایچون اول امردہ موضوع مندرجاتی اعتباریلہ اردو ایچون موجب استفادہ اولدیفنہ دائر قرار ویرلک لازمدر . ثانیاً اثرک صورت ترتیب ، تحریر و املاسودہ اہمیت مخصوصہ بی حائزدر . ککڑیک تحریر و ککڑیک ترجمہ ایدیلن آثار بومقصدلہ تعلیم و تربیہ شعبہ سنجه تدقیق اولتور .

و ۲۵ نجی ماده ده، مذکور بر یازی سطحنه معادل سطرلرده بشدن فضله املا، ترجمه و کتابت خطاسنی حاوی اولان یازیلر قبول ایدیلیر. کذلک مرتب لریک دیزمه جکی درجه ده اوقونا قسز بر یازی ده قبول ایدیلیر. یازلش کتاب مسوده لرینک یالکوز بر اثر جدید صحیفه سنک نصفی اُکنده طولانی کاغذلره یازلسی لازمدر. کاغذک بر طرفی بوش براقیله جقدیر. کذلک بر اثر جدید کاغذینک یالکوز بر یوزین یازیله جقدیر. طبع ایچون دفتر و کتاب حائده آتلی و اوستلی یازی قبول ایدیلر.

۲۵ — شایان قبول اولان بر اثرک جهت عسکریه حسابنه ساتون آلنسی ایچون اثر صاحبنه اجرت تحریر و ترجمه اوله رق، اساسات آتیه داخلنده یاره و یریلیر :

آ (موظف ضابطان و مأودین ایچون اثرک ساعت مساعی خارجنده احضار ایدلسی لازمدر. [وظیفه باشنده وظیفه یازیلان آثاره هیچ بر اجرت و یرلر، یالکوز ایجابنه کوره مکافات اعطا اولنور] .

ب (اجرت تحریر و ترجمه حسابده اون آتی یونطولوق حرفله مرتب ۱۰ سانتیمتره عرض و ۱۵ سانتیمتره طولده مطبوع سطر باشیمز و نام سطرلی بر یازی سطحی اساسدر. بویله بر یازی سطحنه ۵۰ : ۱۰۰ غروش قیمت تقدیر ایدیلیر .

ج (مباحه ایدیلیرک اثرک بواساس صحیفه ایله قاج صحیفه اوله جنی شوبله تخمین و تثبیت ایدیلیر : شمهده محفوظ مقیاس یازی سطحنی بر کاتب اثرک یازلدینی مرکب و یا قوروشون قلمی ایله لاعلی تعیین برکاغده نام سطرلی اوله رق نقل ایدر. بعده ائردن ده لاعلی تعیین بر بختدن عینی یازی مقداری قدری ده ممائل بر کاغده یازار. اثر بویازی قدر نه قدر عدد یازی سطحنه مالک ایسه اثرک صحیفه عددی بو اولور.

۲۶ — ۲۵ نجی ماده نک «ج» فقره سی، وجبجه اثرک صحیفه لری حساب ایدیلیرکن : آ (علی الماده فهرستلر [کتابک فهرستی خارج]، کتابه یازلش و یازیله جق تقریضلر، خطا و صواب جدولی متدن خارج عد ایدیلیر .

ب (بر اثر صحیفه سی اوزونده کی بوش یرلر صایلماز. نقصان سطرلرده بر لرینیه کلنه رک داخل حساب ایدیلیر .

ج (متن داخل و خارجنده کی قروکی، رسم، جدول و سائرلر قابلا دینی سطحک مساحه سی اعتباریله یازی سطحنه نسبت ایدیلیر.

د (سائر آثار مطبوعه دن عیناً مقبس رسم، خریطه، جدول و سائریه اجرت و یریلوب ویرلامه سی و مقداری یریمجه تقدیر ایدیلیر .

۲۷ — بهر صحیفه قاج فروش اجرت و بریله جکی اترك تألیف ، تالیق ویا ترجمه اولوشنه ، قیمت ذاتیه سنه ، ترتیب و مندرجاتنه ، اسلوب و افاده سنه کوره تقدیر ایدیلیر . ایجابنده بر اثر ، بالاده کی اساسات تجاوز ایدلامك شرطله طوبدن صاحبی ارضا و بازارلق صورتیله دهه ، بایمه اولنور .

۲۸ — تعیین ایدیلان اجرتله اثرینی صائمه راضی اولان بو اثر اوزرینده کی تکمیل حقوقدن صرف نظر ایشدیکنی مشعر بر سند ویرر . یالکیز تدقیق و تصدیق شرطله اترك اجنبی لسانلرینه ترجمه حقی محرری ایچون محفوظدر . کیفیت ارکان حربیه عمومیه ریاستنجه تصدیق ایدلدکن صکره مقبوض مقابلده اجرت ، عینه علی الاصول نشریات حواله سندن اعطا اولنور . راضی اولیان اثرینی ایسترسه استرداد ایدر .

۲۹ — علی العموم آثار وارده شعبه جه تدقیق و تصحیح ایدیلیر . بناء علیه شایان قبول کوریلان آثارک دخی هر ۲۵ خطاسی [تحریر و ترجمه تصحیحیدر . مرتب تصحیحی دکادر] بر صحیفه عدایدیلرک بوکا کوره مقدار بالائی اجرتدن تنزیل و مصححه اعطا اولنور . یالکیز تصحیحک ساعات مساعی خارجنده اولسی شرطدر .

۳۰ — بر اثر هانکی شکل و حروفاته طبع ایدیلیرسه ایدلسون بعد الطبع صاحب اثرک اجرت و سائر حقنده یکیدن هیج برادعا در میانه حق یوقدر .

۳۱ — اترك طبیی ختام بولوقدن صکره ، ترجم ویا محررینه خاطره اوله رق اون نسخه مجاناً اعطا اولنور .

مکافات

۳۲ — بک قیمتدار آثارک صاحبنه ارکان حربیه عمومیه ریاستنجه بو تعلیمات خارجنده اوله رق و فقط نهایت اجرت لازمه مک ضعیفی درجه سی قدر مکافات نقدیه اعطا ویا مومی الیهک نشان ، مدالیه و سائر ایله تلطیفی انها اولنور .

۳۳ — بو تعلیماتک احکامی تاریخ امضاسندن اعتباراً مرعیدر . بو تعلیمات شمدی به قدر بوبایده منتشر ساژا و امر و تعلیماتک حکمنی فسخ ایدر . یالکیز قبول معامله سیله طبعلرینک اکیلی دهامقدم اولان آثاره اجورات ۹۰ نومرولی اودو امرنامه سنه توفیقاً اعطا اولنور .

مدافعه ملیه وکیل	ارکان حربیه عمومیه رئیس
فریق	مشیر
ناظم	فوزی

نشریات خصوصیهٔ عسکریه حقه‌نده تعلیمات‌نامه

۱ — بالعموم موظف و غیرموظف ارکان ، امرا ، ضابطان و منسوبین عسکریه‌نک کندی نام و حساب‌نرینه خارجه جهت عسکریه‌نک دلالی اولمق‌سزین طبع و نشرایده‌جکاری آثار و مقالات عسکریه ، نشریات عسکریه حقه‌نده کی تعلیمات‌نک برنجی ماده‌سی موجب‌نجه « نشریات خصوصیهٔ عسکریه » نامی ویرلشدر .

۲ — نشریات خصوصیهٔ عسکریه مطبوعات و مطبعه‌لر قانونه و قوانین عسکریه‌یه تاب‌مدر .

۳ — مطبوعات قانون‌نک بعض فقراتی عیناً زیره نقل ایدلدی :

(آ) ۱۶ تموز ۳۲۵ تاریخلی مطبوعات قانونه ۹ مارت ۳۲۹ ده مذیل فقره :

واعیان ، معاونان و مأمورین دولت سیاسی غزته مدیر مسئولی اوله‌ماز .

ب (عین قانون‌نک ۳ مارت ۳۲۸ تاریخلی ذیلی :

« بالعموم خدمت عسکریه‌ده مستخدم و یا صنف احتیاطه نقل اولنق اوزره متقاعد و مستغنی بری و بحری ارکان ، امرا و ضابطان ایله مأمورین صحیه‌نک ، منسوبین سائر عسکریه‌نک داخلی و خارجی مسائل سیاسیه حقه‌نده مطالعاتی و یا حکومت عسکریه علیهنده منافی انضباط و اطاعت تنقیداتی متضمن کوندربک‌لری اوراق و مقالات‌نک درج و نشری قطعاً ممنوعدر . غزته‌لره بوکی مقالاتی کوندردن ضابطان‌نک اسم و هویت‌نی کتم ایدن غزته‌نک مدیر مسئولی بر هفته‌دن آلتی آیه قدر حبس و بش آلتوندن یکریمی بش آلتونه قدر جزای نقدی به محکوم ایدیلیر . »

۴ — بالاده کی فقرات مذیله قانونیه‌یه نظر آ :

(آ) اردو منسوبینی سیاسی غزته‌نک مدیرمسئولی و اولویتله سر‌محرر و محرری اوله‌ماز .

ب (اردو منسوبینک هر هانکی بر غزته و یا رساله‌یه داخلی و خارجی مسائل سیاسیه حقه‌نده مطالعاتی و یا حکومت عسکریه علیهنده منافی انضباط و اطاعت تنقیداتی متضمن یازی کوندرمسی قطعاً ممنوعدر .

۵ — اردو منسوبینی سیاست خارج اولمق اوزره دیگر هر هانکی بر زمین اوزرندم غزته ورساله لره مقالات کوندر مکده وهر هانکی بر موضوعده کتاب یازمق وکندی حسابنه نشر ایتدیر مکده مربستدر. آنجق بوسر بستی کرک عسکری کتابلرده وکرک عسکری مقالاتده تعلیماتنامه ده کی شروط قانونیه دن ماعدا خصوصات آتیه به توفیق حرکتله مشروط و مقیددر:

آ) نشر ایدیله جک عسکری کتاب ویا مقاله مطالب ذاتیه نک ترویجی و معاملات جاریه عسکریه نک افشا و تنقیدی و البوم موظف و مستخدم مافوقلرک و مادونلرک احوال و حرکاتنک و کندیسنه معلوم افکار و تصوراتنک و ستوق و اداره و سائره سنک تنقید و تخطئه سی ابله هیچ بروجهله علاقه دار اولیه جقددر.

ب) رسمی و بالکنز مقام و موقع عسکریه اعتباریه کندیسنه معلوم اولان منابع و وثاقدن استفاده صورتیه آثار نشرینی آرزو ایدنلر؛ اثرینی یازمه دن اول ارکان حربیه عمومیه ریاستنک ماعده منی استحصاله مجبوردر. بومثللو آثارک «اوراق و منابع رسمیه به نظراً تحریر ایدلشدر» قیدیه توشیح ایدیلوب ایدیه جکنی ده بالکنز ریاست مشارالها تعیین و امر ایدر.

۷) نشر ایدیله جک کتاب ویا مقاله محرم و خدمته مخصوص مدونادن استفاده صورتیه تحریر ایدلش و یا خود هر هانکی صورتله اسرار عسکریدن معدود و یا معدود اولیه جک موادى محتوی ایسه بونک طبع و نشرندن اول صاحبک تسلسلاً ارکان حربیه عمومیه ریاستنه مراجعتله اثر و مقاله سنق تدقیق ایتدیرمه سی و نشرینه مساعدله آماسی لازمدر.

۶ — بالاده کی شرائطی محل اوله زق نشر ایدیلن آثار و مقالات عسکریه صاحبلى حقتده جهت عسکریه جه تعقیبات قانونیه یایلور.

۷ — هر مؤلف و محرر اثرنده کندی اسمی بولونسون ویا بولونسون یازسنک مندر جانندن تمامیه مسئولدر.

۸ — نشریات خصوصیه عسکریه نک بهرندن ۲ نسخه صاحبی طرفندن ارکان حربیه عمومیه ریاستنه تقدیم ایدیلور.

۹ — اشبو تعلیماتنامه ۱۳۲۹ سنه سنده نشر ایدلش اولان ضابطان عسکریه طرفندن وقوع بوله جق نشریات حقتده کی تعایبات کیرینه قائم اوله جقددر.

مدافعه ملیه وکیل	ارکان حربیه عمومیه رئیس
فریق	مشیر
عظم	قوزلی

نشریات رسمیه و خصوصیهٔ عسکریه نك صورت طبع و نشری حقنده تعلیماتنامہ

مواد عمومیہ

- ۱ — تورکیا قوای عمومیہ عسکریه سی ایچون طبع ایڈلک اوزره علی الاصول انتاج واحضار ایڈیلن م، نوع قوانین، قرارنامہ، تعلیمنامہ، تعلیماتنامہ، رسمی تاریخ حربلر و مماثلی مواد رسمیه «نشریات رسمیه عسکریه» عنواتی حائزدر.
- ۲ — مقامات سائرہ دن کلن نشریات رسمیهٔ عسکریه نك طبع و توزیعنه دلالت، نشریات عسکریه نك دوغریجه طبع و توزیعی و نشریات خصوصیهٔ عسکریه نك تدقیقی ایله بوندن انبجاث ایده جك مسائلك تعقیب و انتاجی ارکان حربیهٔ عمومیہ تعلیم و تربیه شعبه سنك جملہ وظائفنددر.
- ۳ — برای طبع شعبه به کلن نشریات رسمیهٔ عسکریه نك عدد طبع و صورت توزیعی ده کوندن، مقابحه تکلیف ایڈیلر. نشریات رسمیهٔ عسکریه ایله نشریات عسکریه نك عدد و صورت طبع و توزیعنه شعبه جه قرار و یرلر لک ارکان حربیهٔ عمومیہ رباستنه عرض ایڈیلر و امر و ریاستنای ایله کیفیت کسب قطعیت ایدر.

عدد طبع

- ۴ — نشریات رسمیهٔ عسکریه ایله نشریات عسکریه نك عدد طبعی تعیینده خصوصیات آتیہ نظر دفته آتیر :
- آ) علی الاصول تأسیس ایتمش و ایده جك عسکریه کتابخانلره و سائرہ به بلا بدل و یرلر لک مقدار ؛

- ب) ارکان ، امراء ، ضابطان و مندوبین عسکریه یہ ایجابانہ کورہ دمیر باش اولہرق
بر دفعہ لقی ویریلہ جک برر نسخہ مقداروی ؛
- ج) اترک خدمتہ مخصوص ویا محرم اولہرق نومرو آلتندہ می توزیع ویا لزومندہ
توزیع ایدلک اوزرہ محافظہ می ایدیلہ جکی ؛
- د) بدلی مقابلندہ صائبشک سربست اولوب اولمیه جنی ؛
- ه) اترک غیر معین بر زمان مرعی و معتبر اولوب اولمیه جفنی تقدیر و بوکا نظراً
بالادہ کی احتیاجہ وفا ابتدکدن سوگرا هر هانکی بر زمان طرفندہ تحصیل ایدہ جک
احتیاجہ قارشی احتیاط نسخہ لرینک قالوب قالمیه جنی ؛
- و) هر هانکی بر مقداردہ طبع ایدیلیرسہ ایدلسون یوزدہ نہ قدر احتیاط بولونمسی
لازم کادیکی .

فیثات

۵ — هر هانکی بر اترک مطبعہ عسکریه طبعی ختام بولونجہ بروجہ آنی اساسانہ
توفیقاً فیثاتی و مصرفی تقدیر ایدیلیر :

آ) نشریات رسمیه عسکریه : عموم مصارف طبعیہ ، تجلیدیہ ، وسائرہ ایلہ مأمورین
معاشاتی ، ماکنہ استہلاکاتی ، قوہ محرکہ بدلی ، یر کراسی ، ایجابانہ کورہ آمبالاژ
مصرفی و پوستہ اجرتی مقدار مخفی حساب اولونہرق بیکونی عدد طبعیہ تقسیم ایدیلیر .
خارج قسمت بو اترک فیثاتی کوسترر . تکمیل اتمان بالغہ حکومت حسابانہ
مصرف قید اولونور . بونلردن فیثاتی مقابلندہ صائبہ جقلرک کتیرہ جکی واردات ،
غیر معین واردات اولہرق خزینہ یہ ایراد قید اولونور .

ب) نشریات عسکریه : بالادہ کی اساسلرک کوسترہ جکی مقدار بالغہ او کتاب ایچون ویرلش
اولان ترجمہ و تحریر اجرتی ؛ کتابچیلرہ ویریلہ جک - قونطوو بلا بدل توزیمانک بدلی
علاوہ ایدیلیر . آلدہ ایدیلہ جک بویکونک اوزرینہ مطبعہ حسابانہ آیرجہ بویکونک یوزدہ
یکرمی بشی علاوہ ایدیلیر . بیکون عمومی بو کتابک مصرف طبعیدر . ایشته بو مقدار عدد
طبعیہ تقسیم ایدیلیرلرک اترک فیثاتی قرر ایدر . بدلات تحصیل ایدلہ جکہ مصرف قابیلیر .
بویلہ جہ حکومتک بونشریانہ تخصیص ایدیلیر بارہ - دمیر باشلرک بدلاتی مستثنای اولہرق -
غیر معین وعدہ لی بر آوانس ماہیتندہ اولوب بدلی ایرکیچ تحصیل و اعادہ
ایدلش اولور .

توزیع و ساتیش

- ۶ — تعلیم و تربیه شعبه سنك تحت نظارتنده اوله رق توزیعاته مطبعهٔ عسکریه مأوردر.
- ۷ — آونله توزیع ایدیه جك مجموعه و امثالی و بدلی و مصرفی مقابلنده طاب ایدیه جك آثار طوهریجه آدرسارینه گوندریلیر .
- ۸ — معاملهٔ ویریه جك آثار ، دوغریجه بونی آله حق قطعنهك ویا بونك مافوق مقاماتك مضبوطه سیله الدن اعطا ویا مطبعه واسطه سیله اشیای میریه منللو محانه سوق ایدیلیر .
- سأخبنه و غزنه اداره خاتهرینه ویریه جك بلا بدل نسخه لرده بررسند مقابلنده اعطا اولتور .
- ۹ — بدلآ پرا كنده و طوپردن ساتیش ، مطبعهٔ عسکریهٔ نك ساتیش شعبه سنجه اولور .
- خارجده کی كتابچیلر و یا علمار لده پیاسده معامله اصول ایله ، یوزده اون الی یكرمی استقونطو ایله ساتیش یاقی ممكندر . فقط بو خصوصك بر مقاوله یه ربطی ایجاب ایدرسه مقاوله نك مدافعه ملیه و كالتی امرینه اقتزانی لازمدر . مقاوله یه اقتزانی لازم دكلسه مطبعهٔ عسکریه بواشی دوغریدن دوغریه یابار . اردو منسویته ، مدافعه ملیه و كالتی اردو دائره سنك ۱۲ مارت ۳۹ تاریخ و ۳۸۸۴ نومرولو تعمیمی وجهله بدلی مقسطا اون تقسیطده معاش بوردر و لرنده قطع ایدلك صورتیله ده ساتیش یاپیلیر .

شكل طبع

- ۱۰ — علی العموم آثار ، جسامت و شكل طبع اعتباریه درت قسمه آیریلیر :
 (آ) جیب كتابی ؛
 (ب) ماصه كتابی ؛
 (۶) كتبخانه بونی ؛
 (۷) جریده بونی .
- ۱۱ — جیب كتابی جفسنه ، تعلیم نامه ، سفریه ، خطرله و نمائی كهی علی الاكثر جیبده طاشینه حق و جیبده بولونمسی لازم اوله حق آثار داخلدر .
- ۱۲ — ماصه كتابی جنسنه ، علی العموم قوانین ، نظام نامه ، تعلیمات نامه و نشریات عسکریه داخلدر .
- ۱۳ — كتبخانه بونه ، بالاده کی جنس آثار خارج اوله رق بویوك بویده اولمسی لازم كان دیگر نشریات داخلدر .
- ۱۴ — جریده بونی ، اردو امرنامه سی و سائره کی جریده ترتیبی نشریاته عائددر .

صورت طبع

- ۱۵ — کتابك طيش قابی :
- کتابك طيش قابی صاغلام ، قالین و بروجه آتی صورتده رنگلی کاغددن یاییلیر ؛
تعلیماتنامہ لری و یو ماهیتده کی نشریات رسمیه عسکریه
قبرارنامہ لری
قانوننامہ لری
محرم و خدمته مخصوص اولانلر
تعلیماتنامہ لری
نشریات عسکریه
تاریخ حرب (رسمی و غیر رسمی)
مجموعه عسکریه و امثالی
جریده لری قابسزدر .
- قیرغزی
یشیل
ماوی
بذبه
نقی
صاری
طورونچی
بیاض

نمونہ لری محفوظ اولان بورنکلرک تماماً عینی بولونہ مدینی تقدیرده بر آز آچیق ،
بر آز قوبوسی قولانیلیرسده هر حالده دیگر بر اساس رنگه یقین اولمسندن اجتناب اولونور .
۱۶ — طیش قابك اوزونده ، صاغ باشنده محفوظ نمونہ لری وجهله نشریات رسمیه
عسکریه ده بونی نشر ایدن محققك سرلوحه سی ، ایجابنده مقام سرلوحه سی آلتده محرم و یا
خدمته مخصوص قیدی ، صول باشنده محل و تاریخ قبولی اورتہ یرده نشریات رسمیه مك
اسمی و آلتده نومرو سی و ده ا آلتده بر آی ییلدیز ، کتابك محل و تاریخ طبی ، نشریات
عسکریه ده : آی ییلدیزك آلتہ اترك محرو و مترجمنك اسمی و رتبه سی ، متنده و مربوطاتده
اولان قروکی ، خریطه ، جدول و سائرہ عددی یازیلیر . نشریات عسکریه ده طیش قابك ایچ
صحیفه سنہ ایجابنه کوره مائل کتاب اسمی و سائرہ قونہ یاییلیر .

۱۷ — طیش قابك ، کتابك نہایتده کی طیش صحیفه سی اوزونده کتابك فیاتی و بونك
آلتہ برجیز کیدن صوکرہ مائل نشریاتك مختصر بر فهرستی بولونور [نمونہ سی وجهله] ،
۱۸ — کتابك ثمنی بر ساقیمترہ یی کچرسه کتابك صرسته کتابك اسمی ، محرو ،
فیاتی و طبی یازیلیر .

۱۹ — هر کتابك طبع اولتدینی کاغددن اولمی و طیش قابك عینی یازیلری محتوی بولونمق
اوزره بر ایچ قاب صحیفه سی بولونور . بو صحیفه نك آرقه سنہ صحیفه اورتہ سنہ ایکی افقی چیزکی
آراسنه لازمه شو جمله قونور :

« حق تألیف قانونی موجب نه هر دولو حقوقی محفوظدر ،

و بوجهیهٔ ده بویازی وارسه قاعدهٔ باشقه بریازی بولونماز . بونی تعقیب ایدن صحیفهٔ لرده وارسه مقدمه ، تقریض و اثر عمومی بر پلانك اقسامندن ایسه بولان و مندرجاتك فهرستی [متنك و مزیلانك] و ایجابنده تحلیلی فهرست بولونور .

بوماده ده کی صحیفهٔ لره ، عددلرینه کوره ۴ : ۸ ، ... الخ صحیفهٔ لك آیری رویا بر قاج علاوه فورمه سی تشکیل ایدر . بونلر صحیفه نومروسی یرینه ابجد حرفلریله حرفله نیر . مع مافیه ایچ قابایله بونك آرقه سنده کی صحیفه یه حرف قونیمه جنی ایچون بونی متعاقب صحیفه لك حرفی (۷) دن باشلار [کتاب اگر ۱۶ صحیفه دن آرسه علاوه فورمه سندن و ایچ قابدن صرف نظر ایدیلر و با اساس فورمه یه داخل اولور] .

۲۰ — بوفورمه و یا فورمه لدن صکره اساس متن فورمه لری باشلار و صحیفه لری ۱ دن اعتباراً نومرو لنیر .

۲۱ — کرکه علاوه فورمه سنك (ایچ قابی و آرقه صحیفه سی خارج) و کرکه متن فورمه لرینك صحیفه لری بالاسه ، یازی سطحك اوست کنارینه یازی ایله عینی طوله اوله رق زیقراقلی بر ایچه چیزکی سطره موازی اوله رق قونور [مقاله باشی ، فصل ، قسم ... سرلوحه لرینی حاوی صحیفه یه بوجیزکی و صحیفه نومروسی قونماز] بوجیزکینك اوستنه صاغ صحیفه لره صاغ ، صول صحیفه لره صول یوقاری یه یا لکیز اوله رق صحیفه نومروسی ، صاغ صحیفه لره چیزکینك اوست واورته سنه کبابك قابنده کی اسمی ، صول صحیفه لك اوستنه عینی صورته او صحیفه لك جا ئد اولدینی فصلك سرلوحه سی ساده جه یازی اوله رق قونور . صول صحیفه ده مثلا صول سطر دن بیله دیکر بفصل باشلار سه یوقاری یه بو یکی فصلك سرلوحه سی یازیلیر . بوجیزکی واورنده کی یازیلر متندن خارج عدا یدیلیر .

۲۲ — علی العموم سطر باشلری و ماده نومرولری متنك صاغ کنارینك یارم الی برسانیم قدر صولندن باشلار .

۲۳ — متن داخلنده کی هر هانکی بریشی تفسیر و ایضاح ایده جك خصوصات بونك صول یاننه قونه جق شو [*] نوطه قوسی و ییلدیزشکلنده کی اشارت لرله صحیفه لك آلتنه نقل اولونور و بونلر متندن بر یارم چیزکی ایله تفریق اولونور . بو ایضاحات بر صحیفه یه صیغما زسه متعاقب صحیفه یه نقل اولونور . بورقلر تمدد ایدر سه ییلدیزلر تسلسل ایدر . ایضاحات آرقه صحیفه یه کچر سه چیزکی تام اولور .

۲۴ — کتابک متفنده ویا ذیلنده کی بر قروکی ، خریطه وجدول وسائر ایله علاقه دار اولان سطر لرنده بونلرک نومروسی مثلا [شکل - ۱] ، [ذیل جدول - ۳] طرزنده نوطه قوسی ایچنده اوله رق متن داخلنه و ممکن اولدجه سطر و ماده باشنه قونور .

۲۵ — خطا و صواب جدولی متندن خارج اوله رق یازیلیر و مذیلات مثلا کتابک نهایتنه ربط ایدیلرک بعد الذصحیح ایجابنده چیقاریلوب آتیلسون .

۲۶ — صحیفه داخلنه صیفه حق جدول ، رسم ، قروکی وسائر بورایه قونور . بر صحیفه داخلنه صیفه حق ذیل اوله رق متن خارجنه آلمسی لازمدر .

۲۷ — کتابک نهایتنه قونه حق مذیلاتدن کتاب صحیفه سنک دردی قدر [داخل] یرقابلا یانلر کتابه ربط ایدیلر . دها بوبوکلری کتابک طیش قابنک نهایت ایچ صحیفه سنه قونه حق آغزی کتابک شیرازه سنه دوغری نمونسی وجهله آجیق بر ظرف داخلنه و یا خود بو صحیفه به ربط ایدیلرک بر قوشاغه قونور .

۲۸ — کتابه ربط ایدیلرک کتاب داخلنده کی صره نومرو سنه کوره صاغ طرف لرنده کتاب کنیشلکی قدر بوش بر بولغی اوزره [بوبوش کاغد حسابدن خارجدر] آلت صاغ طرفدن نمونسی وجهله ربط ایدیلر و تاکه ایجابنده آچهرق قیور مقسومین ایلری به وصوله طوغری آچیلسون و بلا مشکلات مطالعه ممکن اولسون .

۲۹ — کرک بومر بوطات و کرک ظرف و قوشاق داخلنده اوله جقلر قولا یجه آچیلوب قابانه حق ویرتیلیمه حق صورتده کتابک جسامتندن بر آز اوافق اوله رق قانلایر . اک یوقاری به کله جک صحیفه نك کناری ممکن اولدینی قدر طیشنه کتیریلر و بوکنارک یوقاری نوشه سی مثانی بوکوله رک کری به قیوریلر و اوزرینه یعنی کاغذک ایچنه بوذیلک جنس و نومروسی یازیلیر (خریطه نومرو ۴) کی .

۳۰ — متن خارجنده کی مربوطات و مذیلاتک دروننه صاغ طرف یوقاری سنه بوذیلک مربوط اولدینی کتابک اسمی ، نومروسی ، ذیلک یوقاری اورته سنه ده بونک سرلوحه سی یازیلیر .

۳۱ — متن داخلنده کی هر نوع اسماء خاصه [اشخاص ، جغرافیا] شوصورتله « بر طیرناق داخلنه قونور . قروکی و خریطه لرله متن داخلنده کی عین اسمینک بهمه حال عین صورتله یازلمسی لازمدر .

۳۲ — بر استقامت ، ریول ، بر جبهه کی استقامت و خطلری تعیین ایدن اسامی یکدیگرندن برر چیزکی ایله تقریق اولونور و هئیت عمومیه سی بر معترضه ایچنه قونور ؛ مثلا (ادرنه - مصطفی پاشا - فله) شمندوفری کی .

۳۳ - قروکی وخریطه لر :

آ (وئیکلی اولانلرده کئدی طرفز دائما قرمزى ، متفق قطعات طورونجی ، دشمن قویوماوی و بردن فضله سی یشیل ، موررنککارله کوستریلیر . بونلره تاند یازیلرده عین وئیکارله یازیلیر .

ک (متن خارجه ده کی قروکی وخریطه لرك زمینی (خریطه) صورت عمومیه ده بررنکله باصیلیر . بالکیز میاه جاریه نك ممکنسه آچیق ماوی ایله یابلیسی مرجحدر .

ج (خریطه وقروکیلرك بر سر لوحه سی ، اشارات مخصوصه جدولی ، مع مقیاس مقیاس خطیسی بولونور .

د (صورت عمومیه ده صاغ کنار شمال وجنوب خطنه موازی باپيله جفتدن شمال جنوب خطی آنجیق مستتنا خریطه لر و حاللرده یابیلیر .

۳۴ - حروفات پونطوسی :

آ (جیب کتابلرینك متنی بلااستقنا ۱۲ لك حرفلره دیگر اجناسك متنی ۱۲ ویا ۱۶ پونطولوق حروفاتله دیزیلیر .

متن داخلنده کوزه چارپمسی ایجاب ایدن گله و یازیلیر ، قوماندالر وسائرلر متن پونطوسنه مقابل رقعہ ایله یازیلیر .

ج (فصل ، قسم ، باب یازیسی وماده نومرولری متنك برویا بر قاج فضله سی پونطو ایله دیزیلیر .

۳۵ - صحیفه جسامتی : هر جنس کتاب ایچون ذیلده کی نمونه لرده کوسترلشدیر . بوابعاد بعدالتجلید کنارلر کسیدکدن صکرا حاصل اوله جق ابعاددر . طبع ائناسنده کاغذ کافی درجه ده دها بویوک طونولور .

۳۶ - جیب کتابلری دائما الك ای واک انجه کاغده باصیلیر . دائما محافطه سی لازم قیمتی آثار ای و مناسب کاغدرله باصیلیر . دیگر آئارده مصرفی آزالئق حائر اهمیتدر .

۳۷ - بهر فورمه نك نومروسى و کتابك اسمی بوفورمه نك برنجی صحیفه سنك آلت سول کوشه سنه بالکیز اوله رق قونوز .

ارکان حربیه عمومیه رئیس


مشیر

فوزی




هاسيه : مطبوعه كبر بوا ابعاد اساسي لدره قبول بيجد . مع ما في كرك مطبوعه و كرك يابس ده موجود مالزردن اعظمي استفاده از لم اولد بندنه قولدن بجه كاغذك ابعاد بگوره بالدره كل ابعادنه جزئي درجده انحراف ش بااه قبولد .
 اولد بندنه قولدن بجه كاغذك ابعاد بگوره بالدره كل ابعادردن جزئي درجده انحراف ش بااه قبولد .

تجيد ايشيج ۱۹x۲۶ ابعادنه اولد .




نمونه (۳)
کتابخانه بوط

هاسيه : مطبوعه كبر بوا ابعاد اساسي لدره قبول بيجد . مع ما في كرك مطبوعه و كرك يابس ده موجود مالزردن اعظمي استفاده از لم اولد بندنه قولدن بجه كاغذك ابعاد بگوره بالدره كل ابعادنه جزئي درجده انحراف ش بااه قبولد .
 اولد بندنه قولدن بجه كاغذك ابعاد بگوره بالدره كل ابعادردن جزئي درجده انحراف ش بااه قبولد .



نمونه (۱)
جيب كتاب



نمونه (۲)
ماده كتاب

هاسيه : مطبوعه كبر بوا ابعاد اساسي لدره قبول بيجد . مع ما في كرك مطبوعه و كرك يابس ده موجود مالزردن اعظمي استفاده از لم اولد بندنه قولدن بجه كاغذك ابعاد بگوره بالدره كل ابعادنه جزئي درجده انحراف ش بااه قبولد .
 اولد بندنه قولدن بجه كاغذك ابعاد بگوره بالدره كل ابعادردن جزئي درجده انحراف ش بااه قبولد .